

千頃齋初集

千頃齋初集卷之三

汝南黃居中明立父著

詩部

七言古詩

秋江行

大江東下水迢迢
楓丹蘆白秋蕭蕭
蓴鱸有客動歸興
扁舟直破廣陵潮
潮來每挾禹強怒
潮落又趲巨鼉漂
一派潮流分吳楚
半空浪影射金焦
我來觀濤秋八月
欲注長江貯一瓢
掀髯

鼓掌發長嘯天吳罔象豈敢驕我家亦在滄海
上十洲三島恣逍遙有時鼇背弄朝旭有時鵬
翮乘扶搖長竿獨挂珊瑚樹盧敖安期手可招
胸中溟渤吞八九笑看龍伯等焦僥世路於今
風波惡人間平地轉岩嶢君不見東國旄頭喧
下瀨陰山犬羊正射鵬樓船一去無消息漢家
誰起霍嫖姚又不見開採紛紛地肺竭四郊遍
起中澤謠書生有懷空短鋏叩閭無力金門遼
太傅析楊甘就吏相門炙手灰亦消容華自古

難久恃君恩。颺忽不可料。虧盈去來隨。逝水電
光變。幻朝復朝。不如歸去臥山椒。泛泛虛舟天
地濶。優游卒歲樂漁樵。

題張贈公冊爲大理司務一翰之父

臨汾山水古堯都。澮淦宛宛接姑射。世德由來
重清河。乾坤灝氣鍾名碩。名碩代興有贈公。詞
場赤幟稱無敵。下帷十載不窺園。研朱滴露點
周易。鐵鎚三折絕韋編。先天一悟契無畫。上書
往往阨公車。都講時時傾逢掖。里塾還聞絳帳

開春風桃李紛南陌皓首一經啟後人子姓蟬
聯登桂籍老驥未忘伏櫪思雙雛已振扶搖翮
博士成均分半氈平亭棘寺寬三尺自是廷尉
無冤民奚翅疑獄斷四百帝曰休哉汝祥刑
制詞一一標先澤異數移恩寵所生榮賁泉臺
光五色我聞天道如張弓豈謂力田鮮秋獲珥
貂七葉是君家竚看高門容列戟

送費無學歸鉛山

鉛山費郎吾老友胸中雲夢吞八九丁年文史

足三冬子夜圖書按二酉白眼向人空古今班
揚屈宋盡芻狗新詩字字挾風霜雄文一一吐
璫玖大言小言何瑰奇真詫目中未曾有霍然
萬疾辭頑躬讀之惟恐終百首我今識君恨已
遲那堪把臂復分手人生聚散本無常古云三
立誰不朽文章得失寸心知豈在窮通論好醜
千秋著作待藏山莫以榮名輕敝帚君家閱閱
七世卿君才磊砢誇八斗鵝湖一片芙蓉峯玄
成相業今在否君歸擘結六朝烟燕子牛頭等

三身集卷之三
三
培塿勗哉努力嗣青箱慶源必復公侯後

九如歌壽寶安周翁

我聞羅浮朱明之洞天琪花瑤草簇雲烟峯巒
四百三十二峩嵬直與霄漢連外環溟渤瀦巨
浸吞吐日月滙萬川蒼松翠柏幾千尺摩空傲
歲不知年其中靈閼多仙宅驂鸞控鶴下翩跹
周翁家在鵬嶺住迥接羅浮薄紫霧日精月華
秀所鍾玉樓銀海生而鑄堅貞無改歲寒姿矍
鑠豈緣大藥助園種陵瓜五色奇洲引珊瑚六

物具一經教子金不如三舍育材名已附陟岵
遙望東官雲循陔忽憶閒居賦雙袖掇盡攝山
霞遺翁使翁朱顏駐詞人競獻南山章意匠更
圖天保句山不騫川不腐升恒之運與天長岡
陵崿嶠奚足數陰陽呼吸貯元苞泠泠御風不
用羽但餐氣母谷神完何必餌苓茹脂覓縣圃

金陵看春行

正月哉生明春向雨中迎臘月月既望春先隔
歲生歲來歲去春復春綵燕綵旛兩度新也知

節物無愆候其柰韶華不待人人情自愛春光
好更喜江南春色早流澌一泮桃葉水香風十
里長干道長干道上游冶郎白馬青絲紛若狂
簷豪不解文字飲但索歌樓醉紅妝歌樓遙集
百花行恍惚當牕半面頰佯整雲鬟偷覷眼暗
綰春愁脉脉情朱輪忽擁京兆來春仗春花逐
隊開娥眉宛轉簾前出掩扇呈身近却迴更有
農人歌帝力入市看春長歎息豐凶未卜勾芒
神雨暘先辨土牛色去年無雪一冬忙割祠祈

靈記四方大儺笈磔送寒氣蟄蟲未振已憂蝗
今年雨脚隨春有可憐春意醲於酒風光又見
隴頭梅鶯聲依舊秦淮柳梅柳渡江春日遲逢
春不覺髮邊絲悠悠戲場逐侏子轉憶兒童竹
馬時兒童一老不復少曾似春還期可料惟願
天公玉燭調春花春月長相照

椿萱圖爲蔡封翁七十壽

吳興茗水發天目北峙蒼弁西長嶺怪石嶙嶙
皆嵌空羣峯矗矗撐奇木木有大椿草有護翁

鬱薜蘼遍林麓梳風勒雨傲冰霜琪花瑤草豈
其族度歲八千春復秋萬六千歲何悠悠笑彼
冥靈與彭祖猶如朝菌陰蜉蝣乃知莊叟言非
寓詩人亦爲堂背樹耀色祛瘴香可均忘憂能
使朱顏駐何人寫此壽蔡翁大年永日將無同
綵綬稱觴歌燕喜靈椿丹桂古少雙椿兮桂兮
翁父子春暉之報亦似此賀客披圖前致詞更
祝南山比橋梓橋梓承家世澤厚天封再錫
榮黃耆行年甲辰豈爲雌白日庚申不用守願

傾震澤湖瀉作烏程酒歲歲爲翁祝長生此樹
一萬六千亦何有

題喬松圖爲傅朋台大夫壽

古來圖松韋與畢木文離披踈間密烟籠翠蓋
雨濛濛寒戛枯龍風瑟瑟偃蹇石上老盤根
枝古幹參差出遠勢直欲干雲霄高並兩峰瘦
山骨此物由來長巖阿礪砢千丈節非一孤標
不羨大夫五貞以寧知處士七松間趺坐兩仙
翁斲苓采芝餐其實風濤謾謾耳邊聲千秋氣

韻生毫筆蘇州司馬築巖人清時隆棟帝良弼
郡齋日坐蔥翠中歲寒愛此傲霜質祇疑意態
難形似彼畫我詩未能悉何如君家夢腹生丁
固三公徵可必

啓融宗丈以民部郎出守袁州長歌賦

別情見乎辭

五兩風帆去何速千騎東方擁出牧空陽太守
舊含香粉署仙郎新剖竹香含雞舌重漢官符
分虎竹光南蕃一麾豈道君恩薄四履應知郡

宇寬此郡由來山水繞人安吏循事亦少秀江
一帶水東西袁谷震螺山大小朝來爽氣好題
詩不羨三山二水奇行訪都官讀書處更探學
士洗硯池風騷何地不弔古井邑家家問疾苦
褰帷十道開春雲白鹿夾輪龍望府公暇有亭
樂宴需西陂李渠也應疏四子中和歌樂職千
郊安作咏袴襦我聞自昔韓州史計傭得贖歸
男女治理文章學者宗一時遺愛垂千祀君今
先躡景韓堂潁川之政可重光耕耒畜養瞻鰥

寡從此州民盡姓黃又開豫章名學使爾祖醇
儒推赤幟惟敦風尚樹楷模豈希佔俾衡文字
膠庠俎豆遍江西泰山北斗比昌黎廣厲學官
太守事一變文風與祖齊我族與君同源本社
樛櫛槁慙宗袞腹中剩有數行書萬物苑枯付
朝菌世人欲殺獨憐才感君意氣出塵埃萍梗
可堪同聚散夢魂夜夜宜春臺

啓融未軒
公玄孫

和可賦亭歌贈唐仲言

有引

雲間唐仲言五歲大明從其兄耳受十三經

二十一史輒上口如流精通大義所纂編蓬
集唐詩解愁賦價重一時茲移家白下友人
許穉則爲構茅屋以居而亭其前楹黃貞父
復取已上人茅齋詩顏之曰可賦因作可賦
亭歌索余屬和得十八韻三十四句

王畿翼翼厥民隩六朝佳麗宜小築東來紫氣
山嵯峨北引玄湖水洄洑橫槎疑過虎溪橋刈
草偶成已公屋屋裏青山屋外亭林水翳然自
結束雲間畸客唐先生大隱胸中富止齋携孥

檐簷向此栖日侶沙鷗羣野鴛數家雞犬便成
村到處馬牛堪量谷先生兀坐孤亭中客去不
送來不速牀頭花影月纖纖枕上松聲風謾謾
賦愁或如張說詩應類卜一家已就簷簷言五
經全筭便便腹有耳慣能聰何用開眸讀乃知
慧眼足大千翻嫌丁掾多一目余於山水亦情
深清音信不在絲竹與君同作流寓人乘興不
時來信宿親人魚鳥可會心相對泠泠想濠濮
安得杜陵賦新詩重爲衡門賁膏沐

丁巳生朝自述

少小矜書淫老更作魚蠹纂言每鈎玄疑義必
刊誤九上公車斬一收十載寒官淹掌固但知
著作可千秋不識公卿起徒步苦無媚俗姿空
挾臣時具誰信烈士心偏受壬夫妒甕褐寧甘
原憲貧溝壑忍爲子思汚由來生性恥問家肯
將軒冕易韋布龍不可馴鳳不可效鴻飛已翩
翩弋人何猶慕井泥不食應無禽虛舟相觸逢
彼怒人情翻覆變晴陰吾道行藏等朝暮空我

薜荔衣適我遂初賦炎炎會有滅熄時漠漠乾坤總寄寓世間何物能久存惟有文章垂竹素荏苒韶華春復秋昨日迷途今始悟黃花晚節自憐香馥浥能母喪多露有斐聊誦抑之篇五十六年豈虛度

賦得蘇易簡母贈文碩人姚孝廉希孟母也

太平天子渴求賢公車覆試必臨軒西蜀貢士蘇易簡彤墀立對三千言重瞳一顧大稱賞勅

領正奏居盧前翰苑八年參大政賈黃宋白豈
敢先曲宴賦詩陪日御輕綃飛白玉堂署自盟
忠孝一生心願答君臣千載遇有母承宣入禁
中和顏命坐賜從容如聞天語褒鄒母錫之冠
帔何其隆母云教子無它物禮讓詩書爲四術
廣以墳奧發帝聲家之令子帝良弼是時天子
孝治獎人親母子並膺榮遇新不獨兼威慈代
父亦使移忠君有臣煌煌義訓齊師氏我聞姚
母亦如是茹苦常調柳姬丸延賢廣製孟宗被

况丁險釁撫嬰難口瘡手將摧心肝孤幃婦媪
形相弔十月呱孩鼻幾酸母也拮据不遺力送
往事居心靡慝未亾三十七年身長延百世一
絲息蘇母薛姚母文一經成子以子聞表廬復
門恩世沐千秋彤管嗣清芬又聞大孝在錫類
古來科名應不媿通綸朱紫總浮塵何必區區
談宋事

千頃齋初集卷之四

汝南黃居中明立父著

詩部

五言律

南歸書懷

飄零千里劍寂寞一床書
病怯容華減愁催鬢
髮踈乾坤容骭髀日月
任居諸自笑千時左誰
爲薦子虛

訪顏範卿不遇作此奉訊

漫滅懷間刺來從竹下過秋風太亡賴旅况更
如何中散非題鳳右軍欲換鵝幾時重載酒爲
我醒詩魔

其二

從君開白社文酒得從容此道元孤偶知音不
易逢自慚虛負驥敢謂失登龍寂寞山陰道歸
舟興未濃

黃道薦卜居

憐爾謀身拙旁行失路岐未能營兔窟聊此寄

鷓鴣枝風雨猶堪庇壩簷好共吹吾生元逆旅何處問安危

瑞巖書事

愛河偏欲障忍草亦情牽那識慈悲地翻成離恨天去來都是幻境界却依然錯認空中色猶貪結後緣

客中九日呈李仲猶

一雨妬佳節初霜釐物華可憐羈客酒不入故園花鬢逐雙萸短心隨五柳賒天涯有朋好相

對卽爲家

中秋再遊若下呈劉元兆明府

地接弁山翠溪分茗水流扁舟同訪戴貧鉢再
依劉月滿中秋勝醪醇下若芻臨卽能款客不
用賦登樓

京中除夕立春東張叔巖洪爾介潘士

觀李仲猶諸子

殘梅驅臘盡除夜怨羈人有約春光早無情歲
月新鄉心兒女戀旅食友朋親願託椒花頌因

風入紫宸

月蝕

輪廓規全減山河影漸稀
鉤懸猶隱曜鏡破祗餘輝
兔或驚無地蟾應亂欲飛
清光此子欠依舊照書幃

賦得落日池上酌分得平字

溶溶一鑑平蕩漾水風清
倏爾山容夕泠然酒思生
芳樽翻浪綠虛榻蘸霞明
已識拍浮樂寧論身後名

德州除夕

歲晏尚風塵行藏媿此身相逢同舍客總是異鄉人
羈旅新如故奚僮遠更親明朝蓂莢換短髮又經春

其二

京國程還遠殘冬日易西長征孤客倦暫借一枝栖
世事同鷄肋浮生信馬蹄年華俱逆旅何必問燕齊

其三

萬里羈除歲無家度此宵長途金易盡多恨酒
難澆兒女音書絕江湖客夢遙鷄聲驚覺後猶
戀故山椒

賦得朝雲

漠漠豐隆使朝朝馭碧空
暫辭仙苑籍誤落楚王宮
湘水情難斷巫山夢易通
詞人如宋玉幽怨在墻東

利國驛阻雨

風雨來何迅霏霏阻去程
蓬蒿迷古驛烟靄失

孤城濕竈晨炊冷虛堂客夢驚腰懸雙劍氣猶
向夜深明

雨霽發利國道中口占

宿雨苦連綿栖栖古驛前泥濘驚老馬樹密隱
鳴蟬翠靄含殘照蒼茫隔暮煙晴元未定疾
策向南天

送劉仲熙游北雍

有引

劉生仲熙者雄姿絕代接江左之機
雲高韻照人推菰蘆之僑盼胸藏百

斛吐琳琅於毫端筆埽千軍落煙霞
於紙上棄繻南國負笈北雍此時璧
水談經應折角於五鹿他日燕臺致
士定訓骨以千金五月蘭舟鵬搏萬
里一罇桂醕燕集百朋離情繾綣於
飛花別意慙慙於折柳諸子臨岐分
賦不佞授簡先鳴

五兩風帆遠啣杯此送君青藜頻照夜綵筆欲
凌雲願養溟南翮終空薊北羣明經推漢代今

日正同文

鄭北道中卽景

茅店三家聚烽烟十里屯輪蹄當孔道鷄犬自成村
淡蘼青蒟飯濁醪老瓦盆當鑪呼客到擁馬欵柴門

其二

此地多車馬無風亦自沙馬頭常帶雪人面似塗鴉
凍解冰仍結春深柳未芽紅塵看已慣何必戀京華

道遇王鴻磐讀所著行卷有贈

並轡長安道何緣見大巫
詞壇無敵國風雅信
吾徒得句願能解知音
興不孤春明雙闕近待
爾賦三都

句曲院中別董于庭陸廷表鄭明初索
詩爲贈率爾口占

問家知世雅因姓識儒醇
意氣驩如昔文章合
有神戴經分大小漢策奏天人此日盟松去論
交莫戀新

于廷治戴氏禮爲
余友董孝廉猶子

右別董于廷

已得朋來樂才名況似君交情忘孔禰世業羨
機雲把酒頻秋夕譚詩幾夜分明宵清梵起能
不悵離羣

右別陸廷表

調合何嫌晚入林意轉濃披襟忘爾汝送難出
機鋒幾望當軒月初更隔寺鐘泠然清興愜相
憶在吳淞

右別鄭明初

過龍華寺讀先肇慶懷陸文裕詩并屬
和諸什因紀其事

有引

余讀陸文裕公集有答黃純玉再遊

龍華詩意爲先肇慶公而宦轍所至
不及上洋或姓字之偶同也詢之故
老無知者一日舟行阻風過龍華少
憩散步法堂則肇慶文裕詩扁在焉
始知其以民曹郎持使節按部茲土
諸薦紳觴之寺中宴集賦詩而文裕
以同年友病不克赴次韻酬會亦一
時勝事也文裕藻雅風流爲一代詞
人之冠二扁出其手書有趙吳興筆

意肇慶公卓魯治行一統志列之良
吏並足千古而余於百年後薄遊海
上不期而獲瞻斯美豈不稱會合大
奇感逝懷賢勉効續貂卽工拙不計
矣純玉肇慶字爲余曾從祖云

繫馬江干寺尋僧古佛堂潮聲來歇浦埕影落
禪床叔度曾遊處士衡有和章舊題雙比玉玕
重碧紗囊

其二

雲林栖古剎冠蓋集時賢爲憶同袍侶因賡紀
勝篇流風今不泯遺墨總堪傳續句慙宗袞空
懷玉署仙

寄兒

愛子遙相送臨岐轉憶家囊空嗟久客歲晏又
天涯鬢逐風塵短心驚道路賒離情兼旅思一
倍惜年華

其二

兒還遵谷水余發及丹陽一去人千里相看淚

萬行離情話不盡別語細端詳薄宦淹歸計上
洋是故鄉

其三

行行幾匝月未得汝來書不識旋家日猶堪及
歲除室人勞行役兒女問征車此夕團圞會大
歡懌倚閭

其四

吏隱功名薄家人生事微憐子淹蠖伏願汝蚤
雄飛二酉探周穴三冬下董幃漢庭多貴少猛

力振前徽

遼后洗粧臺

畫閣銷胡粉香奩盡日封花空迷蛺蝶石亂瘦
芙蓉弱絮風前柳晴嵐雨後峯西來朝爽氣飛
翠入重重

夏日同姚叔乂戴冠卿林若撫泛舟石
湖遍遊治平上方諸寺拈得村字四
首

睠此丘中賞泠然避俗喧維舟紅蓼渚放屐紫

薇村望遠亭堪借憑高石可捫上方吾欲到不
必待黃昏

其二

一犬吠花源僧窺客到門松陰含日腳石齒漱
雲根殘碣餘苔蘚荒祠缺藻繁風流懷往哲寥
落不堪論

其三

水抱山間寺雲歸湖上村臨流舒遠目席地倒
芳罇舟子憑風力農人記水痕田家有舊咏傳

說與兒孫

其四

微雨因風霽瀟瀟散鬱煩山蔬無俗供野酌有
清言帆影青峯入杯光白浪翻茲游良不惡覽
勝亦窮源

改姚叔乂二首

欲試登山屐先爲泛水游山凝巖翠重水拍浪
花浮卷石開精舍賢祠寄古丘乘風凌絕頂爽
氣已如秋

其二

風來山欲雨雲度碧湖陰
席地啣杯淺尋僧臥
竹深帆檣翻塔影鐘梵雜歌音
濟勝吾猶健陶然愜賞心

龔與嘉自海上逆予金閭因過竹影菴
夜集舟次賦此爲別兼訂秣陵之約
海上存知己如君意更真
才堪推一士氣故壓千人放
逐同蕭艾蹉跎嘆積薪
似憐青眼舊不作白頭新

其二

知己遙相過扁舟憫寂寥
尋師將適越爲子復停橈
攜手竹間寺披襟江上橋
匆匆話不盡秉燭坐通宵

其三

萬里辭家久居停卽當歸
今宵誰過問舊雨客來稀
夜燭三枝盡秋聲一葉飛
白門期已定莫使賞心違

秋日宿水明樓

猶餘三伏火暫借一枝安
入夜涼風滿爭秋暑
雨殘樓含山翠重亭護竹陰寒
徒倚池前月誰同握手歡

陸伯生載酒款余水明樓賦謝

虛閣秋生早深林客到稀
多君憐縞帶載酒問緇衣
野竹傳清籟溪雲送落暉
玄言聽不厭輟棹且遲歸

葛處士撫孤詩

嬰曰今云邈誰全兩世孤
無兒嗟伯道撫姪見

淳于雙頰時含飯三荊忍異株香囊猶解佩千
里羨家駒

送黃典籍宰潮陰

鳬舄乘風去驪駒不可停花封新剖竹槐市舊
橫經京國分支邑人烟接潞亭水衡猶未罷霖
雨望郎星

春日同莊虞卿游梅花塢二首

夙有觀梅約春晴興不孤枝枝皆玉綴樹樹若
瓊敷素質誰同賞清芬迥自殊吟看兼醉嗅歸

騎故踟躕

其二

列樹成邨塢南枝遍野塘未調商鼎實先點壽
陽粧淡月移踈影柔風度暗香呼童勿輕摘爲
護此春光

訪陳睂公乞花場不遇

頗覺朝叅懶言從谷水游何人來結夏此地最
宜秋石徑斜通戶花場曲抱洲鴻冥隨意適豹
隱故難求

其二

小築依山寺，遐心寄釣磯。
玄雲留半榻，白日掩雙扉。
長水浮空界，平原隔翠微。
伊人渺何許，巖下一僧歸。

送張則美博士上計入都

宗官新禮樂，聖祖舊豐岐。
委佩春曹列，清齋曉漏時。
常伸劉愷議，每陋叔孫儀。
朝望推儒雅，綸褒下赤墀。

其二

勃率有張憑明光奏績凝司存周俎豆歲闕漢
園陵驛路將抽柳關河未泮冰猶餘衣裏粟莫
厭酒如澗

其三

斗酒別江臯多君意氣豪含情遲去馬握手戀
同袍匣劍飛霜白檐帷帶月高長安春草綠蚤
晚向銓曹

其四

君已登華選余猶被墨磨所嗟歡會少更惜別

離多聞鐸知金奏趨 朝振玉珂行垂宣室召
賜錦沐 恩波

南粵曾封翁以四月六日開八袞壽厥嗣
柱史公亦以八日初度爲賦五言近體
二章

南海多仙侶東方聚歲星揆初同佛日問算總
椿齡鳩杖何防噎龜椿已伏靈荀龍齊下食豸
繡正趨庭

其二

長日朱明候大年絳縣翁逸情安豹隱元氣韞
鴻濛野老猶爭席都人已避驄後車應有載蚤
晚問非熊

題傅柱史儼思錄

有引

柱史傅公幼孤不逮事王父母攀慕沉
痛靡朝伊夕想極而神爲告之生卒生
月會有挾少君術者云齋三日神可致
圖厥形肖焉誠願宿憑冥感昭徵愛慤
之至則存則著矣因志其事而系以詩

祖範何言邈孫思永不窮少君非幻攝孝緒有
冥通形影神惟肖丹青鬼自工當年傳硯意總
入畫圖中

其二

思成因結象合漠僊音容色自空中設魂疑夢
裡逢羹牆終日見尸祝百年供孫子瞻詒厥綿
綿肅道宗

劉節母詩

坤道臣妻母人綱孝節慈百年機杼訓千古柏

舟詩白首乎初筮青雲憫夙期煌煌天語重
應爲襁中兒

其二

存趙心如日儀髦鬢已霜單栖悲鵠頸均愛比
鳩桑縣譜流南國旌綸賁北堂年年萱草色不
改歲寒芳

陪京初夏南郊分得齊遊二韻

南陸開朱夏芳郊萬綠齊尋真來紫府謁帝
上丹梯闕殿惟雲到長松有鶴棲何時逢石髓

相與證無倪

其二

泰時何年闢空壇草樹迷瞻星七曜動望闕
百靈棲金鑠開還澁畫廊東復西因思肇祀日
聖德與天齊

其三

兩都今並建二祖意何悠壇宇存初祀燔埋
闕古丘曲傳仙樂奏瑞應醴泉流臣朔觀周典
依然扈從遊

其四

永日公餘暇玄都物外遊
空青搖桂闕積翠繞
瑤樓蒼壁憑誰護丹砂
若可求曲終還奏雅不
爲酒人留

是日演百戲罷出
道童鼓琴佐酒

題扁舟五湖冊

自託鴟夷子五湖泛一槎
隨行山作供到處水
爲家杜若洲前草桃源
渡口花秦人遙指點此
地足烟霞

其二

拾月江天夜御風水國秋延山簾外入招客鏡
中游促席親魚鳥支機問女牛去來應不繫身
世總虛舟

閏冬社集永慶寺因登謝公墩四首

香火梁朝寺江山謝傅墩我來公已去名是蹟
空存欲證超然志先叅不二門登臨能幾展合
檢舊苔痕

其二

金陵多古刹此地更幽偏雅集來吾黨高吟起

昔賢林餘千嶂雪樹冷六朝烟過眼風流盡空
歸不住禪

其三

覽勝腸如渴沉陰約屢更茲游風日美忽感古
今情雲物仍鍾阜人烟尚冶城未能忘小草徒
爾負蒼生

其四

冬晷長初閏清樽竟日歡經聲傳竹杳塢影落
江寒樹可雲中辨山宜雨後看不妨歸路晚纖

月吐林端

題小山玄賞冊

好修堂

帝澤承家遠仙源積慶饒薰修皈淨業解脫破
塵囂大道元無諍玄心故自超西園多法侶不
用小山招

宴坐齋

自得安禪法清齋坐宴如匡牀無俗供一室祗
藏書花雨晨鐘後篆烟午夢餘何來王子宅不

減化人居

最樂處

至樂尋何處琴樽趣最真門無車馬喝日與典
墳親簾外青山出塔前綠玉新陸沉吾羨汝朱
郎有幽人

羣鷗閣

江閣親魚鳥海翁久息機素波同汎汎清影各
依依並宿因沙煖爭飛逐浪微雲心與水趣一
一寄漁磯

送鄒道卿守江州

同時稱賦客出守讓君先
風月能爲主湖山自宿緣
門留徵士柳社託遠公蓮
簿領多休暇來叅文字禪

其二

一麾尊岳牧剖竹大江西
治豈陶公異名應白傅
齊潯陽初渡虎省署舊含
鷄夙有匡廬尚今朝入品
題

其三

地介荆揚域山分大小孤
褰帷窺石鏡拄笏想
香爐津吏疲郵傳關商困澤虞
隨車有霖雨千里憫來蘇

其四

江花迎去鷁湓草引鳴騶
水品康王谷山光庾
亮樓雙旌時問俗五袴日興謳
會見中和理州民盡姓鄒

朱輿仲守秦州羅拙夫守廣安同日拜
命詩以送之

聞剖雄州竹爲彈貢禹冠三刀應其夢六符
同官莫倚秦關險須知蜀道難專城千里寄保
障遠人安

其二

聖主勤西顧綏懷藉歲星行春過篆水問俗到
街亭異草紛蟠豕層巒列秀屏政成多暇日儻
憶舊氊青

送吳翁晉之廣西別駕

詰戎分半刺乍輟步兵厨車雨懷先澤

翁晉尊人舊開

千頃齋集

卷之四

二十一

府黔中星屏樹後蘇食生鷄作醢交易貝爲租安
遠宜因俗折衝仗廟謨

其二

聖主憐荒服邊夷重漢官
驂騑開瘴癘椎結襲衣冠
賦以江山麗文因爨蕪寬
他時吳季子添作國風觀

其三

賜履連交粵名邦亦廣西
風烟隨地隔崖谷與天齊
佩爲休徵贈輿應仲舉題
行看荒徼外征

馬不聞嘶

夏月雜詩

一夕遷涼燠南州候始和
疎花辭密葉舊藕發
新荷春去詩情減日長睡思多空齋無客到狎
鳥或來過

其二

暑雨苦相仍霉天氣鬱蒸風暄扇無力汗垢衣
有稜夢鹿非真鹿驅蠅轉益蠅薄茶難解渴時
想玉壺冰

其三

裸體肌猶汗科頭髮未晞簷低風力軟庭小月
光微繞帳饑蚊沸欺燈黠鼠窺翛然成隱几團
扇不停揮

其四

官廨僅容膝禪心到處安自公疲案牘對客強
衣冠俗耳聞能遣新書見卽歡生平多欠事不
受酒腸寬

其五

絕交疎酒譜閉戶把詩刪涼倚風前樹晴看雨
後山逢塲觀世局蒿目歎時艱守黑存吾道升
沉一夢間

其六

水漲經旬雨出門卽畏途隨他蠻觸鬪遮莫馬
牛呼老至才應盡狂來與未徂無因河朔飲羸
得理文逋

迎春日賦得雨中春樹

帝里風光早先春雨澤敷俄看烟樹合漸覺土

膏濡城闕連青靄人家隱綠蕪濃山與淡水應
入米顛圖

懷黃貞父得途中書却寄

二年欣把臂文酒幾追隨同姓休論譜初盟似
夙期青樽憐別易白首恨交遲尤憶銷魂際匆
匆未賦詩

其二

亦知期卽返無奈見猶慳忽得途中耗差開別
後顏書應懷白社記每戀青山處處烟霞債憐

君不暫閑

五日社集有懷蔡伯達司馬

投合新如故襟期淡更真
重開白門社遙憶素心人
未厭聞詩砭難忘醉酒醇
殘春方送却結夏又經旬

其二

自子還山去看看雅會稀
三春愆勝賞五日戀清輝
譚久文情洽杯長燭影微
車公不在坐何以憫調饑

送杜思兼之大理倅

萬里休辭遠監州重一方長材宜驥展顯化自
鷹揚洱水濺珠白屏山列點蒼邦人迎杜母泥
軾有輝光

其二

漢室循良吏由來掌故多君爲南詔倅更續海
沂歌地以蠻烟闢天應瘴雨和葉榆西去路握
別意如何

送孫子京北上兼應秋試

閉戶有孫生攤書映雪明齒應寒石漱賦可作
金聲抱璞宜三獻驚人始一鳴聯翩升鳳苑不
道邠枝榮

其二

久負圖南翼今爲知北遊棄繻驚候吏倒屣重
諸侯時于京應馬德州辟名下傳先輩闡中詫晚牧都門
知紙貴一日已千秋

陳立之理郢都奉其尊人體軒先生就
養官邸壽開八袞恭效三祝

族姓盱江舊德星聚太丘澆胸無宿物度世有
虛舟文酒耆英社山川汗漫游郢人歌白雪一
曲自千秋

其二

稱觴依子舍就養亦君恩問政惟開網明刑已
照盆陽春生下里陰德擬高門行矣褒貽穀煌
煌 帝語溫

其三

憲老隆膠序問年及渭濱鹿門能耦德鳩杖不

扶身舞袖翻萊綵詩章祝楚祿願將千日酒散
作萬家春

送黃履常京兆開府閩中

黃爲先師學士
子故末章及之

十載旬宣吏初登節使壇徵黃何訝晚借寇已
知難南國書方奏東郊政不刊都人猶臥轍繡
衮幾時看

其二

聖主東南顧安危仗異才炎天分雨露瘴海肅
風雷晝偃旂門靜春生幕府開折衝多暇日好

上釣龍臺

其三

山海無諸國年來潦旱頗長鯨翻水怪涸鮒仰
波臣望雨雲垂野占星歲在閩澄清今攬轡應
少泣珠人

其四

麟玉旌樊史釐圭錫召公棠陰懷故老竹騎走
新童防島春秋汛憂民大小東劬勞心獨苦百
堵宅鳴鴻

其五

六纛分符節雙龍合斗文
帷褰閩嶠月旂引建溪
雲化日扶桑窟秋風細柳軍
題詩當草檄
寄武夷君

其六

學士衡文處至今草木香
榕枝青偃蓋荔子絳爲囊
門託生三誼廛叨授一方寧
云私燕厦萬里壯金湯

賦得日之升壽剡城王令

千頃齋集

卷之四

二十六

和馭無停轡陽烏影若馳扶桑初汎海若木忽
升枝瑞應三光首雲開五色披神君應比德散
作萬家曦

其二

團團離遠樹煜煜上高臺乍向咸池起仍從暘
谷來桐陰圭未正菱彩鏡方開一片傾葵意丹
青不易裁

千頃齋初集卷之五

汝南黃居中明立父著

詩部

五言排律

清風嶺道中六韻

嶺盡蹊猶折峯移徑復旋危亭疑竹護絕壑借
橋連夾道松陰合經秋草氣鮮鳴絲雙澗水錯
繡半山田鷄犬三家聚桑麻十里烟朝朝車馬
跡來往夕陽前

雪後汶陽道中

充東逢暮歲汶上復宵征正喜春先發偏憐雪
後行彌天開玉宇大地聳銀城着樹枝枝白飛
花點點瑩應嫌人跡破更惜馬蹄輕素色侵衣
冷寒光入劍明孤衾閨婦怨望續成夫情授簡
誰能賦鄒枚動漢京

觀察蔡公以奏最 賜恩三代小詩恭
賀且致私感得五言排律二十韻

涪嶼標靈秀華源積慶緜箕裘方鷗起圭組合

蟬聯半刺甘棠在雄藩列柏先然藜垂素業擢
桂接英躔南紀初簪豸東曹舊握荃持衡羅俊
譽解網泣顛連畫擁旂鈴靜春明鎧甲鮮吳儂
回菜色海嶠淨烽烟績課諸侯最 綸褒繫世
延十行頒 赤陛三錫賁重淵遺硯追貽厥芳
鄰述母遷徵黃揆望峻借寇 主恩偏文武邦
爲憲安危國杖賢衮衣還信宿鎖鑰制中權隸
也枌榆末公兮剪拂專片言噓羽翮一氣轉鈞
甄瓦礫寧居後秕糠媿獨前訓知良不易頌德

總難宣識履星辰近銘鐘日月懸行看登鼎鉉
是某報珠年

七月十三夜同羅玄父董于庭鄭明初
陸廷表登崇明寺塢

大火西流夜招提瑞色澄金輪光七級舍利湧
千層聚足還留憇振衣已絕凌應邀明月下似
挾片雲升鐸亂驚栖鴿鐘催人定僧諸君頻指
點一語是傳燈

冬日南臺協恭堂賦得孤松踈竹十八韻

柏府饒嘉植南天不受冬亭亭當砌竹冉冉立
臺松歲歷春秋老恩偏雨露濃盤根依北戶洗
籜見前峯綠玉初飄粉蒼鱗舊蔭茸烟莖搖翠
羽風響雜宵鐘結實宜招鳳樛柯欲化龍材良
充禹貢介特耻秦封直節惟孤挺貞心共協恭
梅兄差可友石丈許相從肯爲藤蘿附羞窺桃
李容何來君子黨恰與正人逢有斐文堪咏後
凋秀獨鍾應施隆棟用勿負會稽供況值徼陽

復行看萬物雍青回苞軋茁翠引葉蔥蘢常貫
四時色寧知造化庸凌寒自至性一任雪霜重

燈夕篇分得斑字十四韻

一歲輪初滿千門夜不關管絃吹雨散蕭鼓開
春還烟樹浮蓬島星毬結綵山花疑天女撒燭
自漢宮頒假面嬉侖子織腰舞小蠻驚笙終夕
奏魚鑰此宵閒寶騎紛珠履香車擁翠鬟行行
桃葉口轉轉雀橋灣袿服美無度靚妝妖且嫺
聯鑣歸月下記曲譜雲間殘馥聞羅綺餘音雜

珮環傳梅齊索笑對酒各開顏遮莫更籌盡其
如飲興慳淒淒燈影裡不覺鬢毛斑

贈少司成溫公榮晉 官諭管理 誥

勅二十二韻

茗水涵真氣蓬山引上僊藏書抽酉穴射策起
丁年賦草凌雲麗宮花暎日鮮銅龍開冊府金
馬集名賢筆載螭頭注珂隨豹尾旋量波持萬
斛學海滙羣川南國人倫表西膠弟子員章相
歸棹樸俊選屬陶甄運挽江河逝春滋桃李妍

蛭方成蛾術林亦改鶚翮漢室臨雍頌周京有
芑篇雄談高折鹿佳瑞兆啣鱣 鶴禁班聯切
鳳池寵數偏清銜原比玉直節更如弦彤管三
長擅黃麻兩制宣虎幃頻勸講鴻碩廣登延道
以三賓重經因二傳傳 重輪垂霽色列宿拱
台躔啓沃心扶日絲綸藻揆天片言回造化全
力取虞淵德契都俞上功施羽翼先行看張宿
窳大業振無前

七月一日集俯玉閣賦得迢迢望斗牛

遙分飛字

流火莫初換先秋葉未飛爲歡懷帝子幽怨寫
靈妃一水盈盈隔雙星望望歸如何經歲別尚
爾兩情違想極欣期近離多悵會稀敕開來夕
黛淚檢去年衣所嘆河流廣翻憂鵲力微橋成
堪渡否日至却疑非巧線無勞乞香筵且莫祈
君平今不作誰與辨支機

上大司馬黃公三十八韻

當代文章伯揚鑣自七閩雄詞凌漢魏灝氣逼

周秦風雅推盟主春秋擬素臣吳鉤方試刃卞
壁豈懷珍飾吏緣儒術明刑廣帝仁三刀曾
入夢五馬復行春留犢心如水平鮮政若神談
經巴蜀國擁節楚湖濱木以從繩正金因入范
純冰壺清可鑒棧樸美俱掄攬轡霜稜肅隨車
雨澤勻威行豺虎遁俗返魯鄒淳瓠子紆籌策
萊黎急拊循治惟寬杼柚疏爲減征緡遂起溝
中肉兼蘇釜底鱗忠能迴逆耳直不顧危身運
泰壬夫退衢亨吉士伸康候膺錫賚聖主出

絲綸南紀樞機重東歸袞繡新萬年賡虎拜九
罍賦鴻遵晉福承王母師貞卜丈人謙光猶固
讓巽命已重申武備開戎幕文昌贊化鈞旌幢
搖日月劒佩切星辰赤舄姬公遜丹書尚父陳
騶頭行聽屐鵠首合垂紳瑞應圖御鳳功成閣
畫麟緇衣元好士白屋肯延賓愛日欣依趙占
星喜御荀休休頻吐握侃侃莫踈親隸也維桑
末居然散櫟倫卑棲寧躍冶拙守願爲鐔久矣
懷先達瞠乎接後塵披肝忘分隔促鄰見情真

片語投針芥玄言破莽榛追歡何太晚感德總
難泯欲獻如風誦敢爲無疾呻期公登鼎鉉勿
使積前薪

張克雋比部與余舊領雍教雅稱臭味
出守朗州黯然賦別得五言長律十

四韻

四門分講席三舍日交親酒政欣相命文心合
有神千秋期共轡系夕必連茵倏爾明刑署居
然結德鄰嚶鳴良可悅蘭臭總堪紉所信終如

始寧知詘與伸一麾尊岳牧五馬寵詞人耕織
遺風舊中和布令新山應採舍德宅或弔春申
蒲節先招屈桃源更訪秦震岐歌麥秀百甌貢
茅陳白壁陂啣鶴丹砂井壽民行看刀買犢已
見室懸鱗霄漢湏君致漂零任此身

喜黃履素世兄登第因感先師舊日之知

賦得五言十韻

代起明光草飛騰爾弟昆爲箕稱令子傳硯識
文孫業以韋經授書從孔壁繡一枝先擢桂三

載不窺園臺買千金駿溟搏萬里鯤題名輝鴈
塔載筆續龍門共詫憐才報因思舊德存華零
方啓秀葉茂乃盤根世胄誇麟趾儀刑感虎賁
慙余雌伏者國士未酬恩

送蘇弘家符卿賁千秋箋入賀先期省
觀時有奉常之推故章未及之

漢室呼嵩使周廷典瑞臣垂衣瞻斗極曳屨上
星辰繼體歌元子多男祝聖人南山天孔固少
海月重輪吉誕生同物豐詒世躋仁彤弓行錫

帝綵服暫寧親願輟循陔戀須馳畏簡身常懷
金作鑑快覩勝爲銀曲奏千秋壽詩陳七月豳
虞松儀合正劉愷議應伸况值文明晝還看禮
樂新無因隨百獸率舞拜 楓宸

賦得霜臺籠日送沈宗伯入賀時方考

續北上

玉女凝陰候金烏逗早曦瞳瞳看欲上杲杲出
應遲凍結光逾瑩水含色更宜凌寒規半隱衝
靄鏡全披對此懷康樂因之想趙衰願傾葵藿

意先煖萬年枝